



## **Exposiziun publica dal project da vias cun il rapport davart la cumpatibilitad ecologica H3b Via dal Malögia Correcziun da la via Silvaplauna - Segl km 0,75 – km 2,85 Project d'exposiziun nr. 3b.4718 dal matg 2020**

### **1. Lieu e durada da l'exposiziun**

Las actas dal project ed il rapport davart la cumpatibilitad ecologica èn exponidas dals 17 d'avust 2020 fin ils 15 da settember 2020 en las administraziuns communalas, vischnanca da Silvaplauna, Via Maistra 24, 7513 Silvaplauna e vischnanca da Segl, Via da Marias 93, 7514 Segl, per prender invista (art. 20 da la Lescha chantunala davart las vias, LVias; DG 807.100) s'annunziand ordavant per telefon, Segl: 081 826 53 16, Silvaplana: 081 838 70 70. Durant il temp d'exposiziun pon ils documents er vegnir consultads e chargiads giu sut [www.tiefbauamt.gr.ch](http://www.tiefbauamt.gr.ch) > Rumantsch > Actualitads. La nova axa da la via (mellen) e las lingias da construcziun (blau) èn stajadas respectivamain marcadas en la cuntrada.

### **2. Dumondas per permissiuns spezialas**

- Las suandantas dumondas èn parts dal project d'exposiziun:
- dumonda da permissiun per inducir u per laschar sfundrar aua persa smerdada tractada tenor l'art. 7 al. 1 da la Lescha federala davart la protecziun da las auas
  - dumonda da permissiun per inducir aua persa betg smerdada en in'aua da surfatscha tenor l'art. 7 al. 2 da la Lescha federala davart la protecziun da las auas
  - dumonda da permissiun per projects da construcziun en secturs spezialmain periclitads tenor l'art. 19 al. 2 da la Lescha federala davart la protecziun da las auas
  - dumonda da permissiun per cuvrir u per metter en bischens auas currentas tenor l'art. 38 al. 2 da la Lescha federala davart la protecziun da las auas
  - dumonda da permissiun per allontanar la vegetaziun da las rivas tenor l'art. 22 al. 2 da la Lescha federala davart la protecziun da la natira e da la patria



- dumonda da runcar tenor l'art. 5 da la Lescha federala davart il gaud.

- dumonda da permissiun tenor la legislaziun da pestga per far intervenziuns tecnicas en las auas tenor l'art. 8 al. 1 da la Lescha federala davart la pestga

- dumonda da permissiun per la correcziun dals curs d'aua tenor l'art. 22 al. 1 da la Lescha chantunala davart la correcziun dals curs d'aua.

### **3. Restricziun dal dretg da disponer**

A partir dal di che l'exposiziun è vegnida publitgada uffizialmain dovran ils projects da construcziun entaifer il territori ch'è cumpiglià dal project ina permissiun dal Departament d'infrastructura, energia e mobilitad dal Grischun. Questa permissiun vegn concedida, sch'il project da construcziun n'ha naginas consequenzas engrevgiantas per acquistar il terren u per realisar il project.

### **4. Protestas**

#### **4.1 Legitimaziun**

Tgi ch'è pertutgà dal project d'exposiziun e po far valair in interess degn da vegnir protegì per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai.

#### **4.2 Objecziuns**

I pon vegnir fatgas valair:

a) objecziuns cunter il project d'exposiziun e cunter las dumondas per ulteriuras permissiuns ch'èn colliadas cun quel sco er cunter in'expropriaziun previsa e cunter sia dimensiun;

b) dumondas d'indemnisaziun, en spezial pretensiuns per ils dretgs che vegnan fatgs valair e per autras pretensiuns che resultan dal dretg chantunal d'expropriaziun. La rectificaziun da questas dumondas ha lieu suenter l'approvaziun dal project en la procedura per l'acquist da terren.



#### 4.3 Termin ed adressat

Protestas ston vegnir inoltradas entaifer il temp d'exposiziun cun ina curta motivaziun al Departament d'infrastructura, energia e mobilitad dal Grischun, Stadtgartenweg 11, 7000 Cuir.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'Ordinaziun chantunala d'expropriaziun (OExp; DG 803.110).

Departament d'infrastructura, energia e mobilitad dal Grischun

Il schef:

Dr. Mario Cavigelli, cusseglier guvernativ

Cuir, ils 13 d'avust 2020